


封面1



上海中醫學會成立攝影

中坐者丁會長

上海暨中學第一屆職員合影



孫祖慈 培祖慈 振有錢 江倚超
 呂叔平 陳維 仁一王
 張文唐 顧文唐 趙民 趙民
 吳冠先 徐浦 趙吉 趙吉
 吳廷冠 徐慎 鄭先 鄭先
 徐伯末 徐德 徐德 徐德
 張沈香 張翼 張翼 張翼
 李壽芝 李振 李振 李振
 賀和 賀和 賀和 賀和
 賀植 賀植 賀植 賀植
 范欽 范欽 范欽 范欽



上海中華總商會評任部議彭義會

呂叔平

陶可箴

余繼鴻

哈孚百



上海中華總商會評任部議彭義會

章成之

秦伯未

王一仁

龍吉浦

楊樹千



上海中醫學會第一任幹事部攝

沈香圃

戴達甫

許景陽

唐文藻

徐健民



上海中醫學會第一任幹事部攝

徐少楠

諸文萱

賀荻濤

李壽芝

劉晉臣

緣起

丁仲英

事之有緣起。將以溯其源也。中國醫學之源。其來遠矣。神農嘗百草。救民疾苦。黃帝與雷公岐伯講論於明堂之上。而有內經。若俞跗以及伯高、少俞、少師、仲文、伊尹、和緩、長桑、扁鵲。皆有名於時。其書或傳或不傳。而中醫發明之早。可以見矣。漢有公乘陽慶、倉公、華佗、張伯祖、張機。類皆造極登峯。闡揚性命之學。而陀剎背割腹。浣腸滌胃。醉以麻沸散。傳以神膏。其治法之神奇。當不在今日西醫下。機著傷寒卒病論。博大精深。集前賢之大成。爲醫方之鼻祖。猶爲中古之卓卓。允超醫學之上乘。唐宋以還。著書者日多。而完人漸少。如張子和則主攻伐。李東垣長於溫補。劉河間論溫瀉火。朱丹溪陽餘滋陰。在時代之不同。各欲補偏救弊。而後學盲然從之。其弊有不可勝言者。迨至近世。因氣運之轉移。有所謂薛派葉派者。其方淡寫輕靈。時亦中病。不爲無功。然能讀內經傷寒者。已不多覩。又何怪西醫之蒸蒸日上。而神聖之國學。幾一蹶不振乎。夫前人創造學術。而後人不能善繼其業。發揮而光大之。則是無志也。黃帝何不幸而有此無志之子孫。人日進於文明。我自安於卑陋。侮我、鄙我、輕笑我、賤視我。而乃漠然無動於中。不起而謀振作。聽歸天演之淘汰。則是無氣也。黃帝又何不幸而有此無氣之子孫。夫無志無氣。悠然闕然之民族。欲於二十世紀出一頭地。誠哉其難之矣。自茲以往。國粹國學。尙可問乎。夫中國人民之衆。幅員之廣。天產之富。欲去中醫而代以西醫。去中藥而代以西藥。形格勢禁。不待智者而知其不能矣。或言日本曩亦

緣 起

沿用中醫。後乃改趨德學。富強之故。其有以乎。不知岐黃之學。原非日本之醫。彼之用中醫。與改趨德醫。僅去一間耳。於岐黃之學。未能明著其驗。深體其微。不若舍舊圖新。較有把握。我國欲致強盛。但於實業教育致其力。初不待乎舉數千年習用而有明效之醫。盡廢之也。是以中醫改善則有之。若欲舍己芸人。趨新忘本。棄天然之物產。而每歲之漏卮幾何。任國粹之拋荒。問愛國之精神何在。不特事勢有所不諒。亦良心之所未安。同人等怵舊學之日淪於亡。憫斯民之莫托其命。爰集同志。共警精誠。合醫界之明賢。作中流之砥柱。一隅之地。則同堂磋切。以致其功。千里而遙。則勞彼雁鴻。以通其誼。刊雜誌以垂乎久遠。明實效而策其將來。破拘墟陋孤之風。杜黨伐門戶之見。以自強強種爲精神。以闡發岐黃爲主旨。源遠者其流長。根深者其葉茂。奮圖保障。是望賢才。策勵進行。端賴羣力。故大書特書。而曰中醫學會。

會長演說詞

鄙人服務于醫已三十餘年。深信中醫學理。有不可磨滅之道。由學理而證之實驗。由實驗而又證之于學理。反覆循環。久而愈信。自念診務甚繁。未能專究古籍。有愧乎十全爲上之醫。竊不自量。欲引後進之入道。登斯民于仁壽。創立醫校于茲五年。又半矣。今日醫會成立。良由諸君志切磋磨。樂羣敬業之收果。將來神聖之學。得有倡明之一日。其責實在青年後進。爭此潮流也。欣幸欣幸。竊謂中醫以氣化勝。西醫以實驗勝。此常人所能言。庸詎知仲聖傷寒論一書。發明六經。處方定劑。上以承軒岐之奧旨。下以爲百世之準繩。其功至鉅。實爲不祧之祖。當今趨時之士。慕西醫之華表。襲皮毛以相誇耀。其於臟腑氣化。見症施治之學。恐未能如中醫之精詳透闢也。吾華醫學。相傳四千餘年。著書立說。代有傳人。如陰盛格陽。真寒假熱。陽盛格陰。真熱假寒。以及上寒下熱。下寒上熱。析理毫毛。一誤遠去千里。夫豈趨時之士所能窺也。中醫十三科。每有專治一科。起危救殆者。姑以針科言之。治法有上病取下。下病取上。左病取右。右病取左。以及虛則補母。實則瀉子。春夏刺淺。秋冬刺深。又有井營胸經合等法。手術上乘。疑出神授。又豈趨時之士所得而知也。或者言中醫如此其精。何以一蹶不振。暗而不彰。乃應之曰。上無道揆。下無法守。往往極峯偉人。非特不知提倡。而反摧殘。視之爲小道。棄之爲贅疣。以至捨本求標。喜新厭古者日多。而中醫神聖之國學。乃反暗然無色矣。噫。此豈氣運使然耶。雖然。凡事求其在我。天定勝人。人定亦可勝天。

會長演說詞

盡心努力以爲之。造次顛沛以求之。果能人才輩出。學藝精通。安知不有燦爛光華之一日。今諸君創立中醫學會。研攻學問。溯本窮源。溫故以知新。取長而舍短。羣策羣力。發揚國粹。實中醫界之曙光。鄙人馨香頌禱之餘。願共勉之。

發刊詞

王鞠仁

醫者所以拯人疾苦也。吾國之有醫藥。肇始於神農。集成於仲景。此外百家非祖述闡揚。卽支離破碎。論有宏博而精通。語有偏鋒而銳入。要皆發明一理。創解一知。於醫學不無裨補。於後學滋訛良多。楊子有云。羣言淆亂。衷諸聖。此儒家之學問。而醫者正復宜然也。嗚呼。自後世不重視醫。醫者撥拾湯方。弋獲俸中。問以靈素。傷寒。反至瞠目不語。坐使古聖賢書束高閣。飽蠹魚而神聖相傳之國粹。不絕如縷。自西醫東漸。日以實驗相炫耀。瞑眩之藥。有時立起沉疴。解剖詳明。理論細及微菌。維新之士。趨鶩不遑。優劣懸殊。相形見絀。西來醫學大有取而代之之勢。而環顧我中醫。因陋就簡如故也。弋獲俸中。又如故也。於是國學之淪。其危更急。夫學術之盛衰。關乎國運之強弱。當此強鄰驕子。環視四旁。內亂連年。百政皆廢。意者中華醫學。將亦隨之而消沉乎。如事之成敗。盡由於天命氣運。而非一毫人力所得挽救者。則束手待斃。任歸淘汰而已。然而吾目未盲。吾心未死。意其天命氣運。或有隨人事而轉移者。然則羣策羣力。奮臂揮戈。挽欲倒之瀾。返將淪之日。其事不可緩矣。人皆言西醫重實驗。實驗則信而有徵。中醫重氣化。氣化則隱而難見。不知實驗僅解剖陳屍。氣化則深明功用。凡事見已然之跡。易。明未然之理。難。人固動物之靈。所執以運用而應萬事者。賴有精神耳。吾謂中醫乃以精神勝者。何以言之。望有五色。而察其部位。淺深。脈舉八法。而辨其浮沉虛實。聞聲而知其臟腑之情。然後問病審證。定案處方。非參透精神之學。不能

發刊詞

超乎象外。得其環中也。又如內經之詳於氣化。明於陰陽。反覆循環。見不一見。所謂陰陽。初無定物。而至理存焉。然則精神果又何物耶。夫世間萬事。非精神無以濟。實驗之窮。非實驗無以見。精神之用。而於醫學。何莫非然。吾國舊時醫者。如扁鵲。見桓公之色。而知其病入膏肓。丹溪切貴人之脈。而斷其亡之期。日凡若此者。代有其人。謂非精神獨到。將憑何實驗。以決之耶。中醫以望聞問切爲旨。進而求之。深以驗之。治病已無餘蘊。又豈聞聲用筒。切脈用表者。所可同日語耶。惜乎。世之習醫。多以口捷辨應爲能。而於精微之學。不加體認。中懷功利。慾念交攻。外以欺於人。內以欺於心。宜其迷迷惘惘。以入於庸碌之途也。當其學習之時。又無學校以啓導之。卽有從師問業。負笈從遊。所得無多。見聞有限。而有窮年盡日。名一技者。卽珍爲祕寶。藉以贍身。不肯宣示於人。其人死。而其道已亡。氣度之促。未有如吾國之以醫名者。凡此之由。宜其日流於退化之域也。醫會成立。不一月。而遠近來函。絡繹不絕。是皆有感於孤陋之不足。以成學。非策羣不可以精造。故如響斯應。通聲氣於期月之間也。今又有醫報之刊。吾聞之。文者載道之器。行遠必賴於文。又聞西人以出版物爲文明之表彰。意者。炎黃大道。將因此而傳薪。向時窒塞之風。將大啓其戶牖。於是乎。不絕如縷之中醫。亦因是而綿綿垂遠。斯道之昌明。有日矣。發刊日是爲詞。



●祝詞一

紹興醫報社主任裘慶元

貴報出世

吾黨生光

譬如明星

萬丈光芒

濟濟多士

聚於歙浦

卓見遠識

博今通古

集思廣益

薈萃羣知

妙道玄理

闡發無遺

望聞問切

悉心研揣

具求實驗

並駕歐美

璀璨琳瑯

起衰可必

救世濟民

斯乃仁術

醫學進步

造福無量

億萬黎庶

曰壽曰康

●祝詞二

中華全國醫藥衛生協會

醫學淪落

已非一朝

巫彭既遠

俞跗亦遙

晚近庸醫

學識更淺

五聲五色

未能明辨

貴報宏聲

發聾振聵

大地風行

無遠弗屆

四方人士

賴以研求

天札之患

或可無憂

偉哉諸君

殫心編輯

奇方神丹

旁搜遠集

妙道精微

脫甕穎見

岐黃眞理

斯能顯闡

字重國門

紙貴洛陽

願祝一詞

萬壽無疆

●祝詞三

丁澤周

祝 詞

赫曦素靈 光照前史 歲府經絡 解明剖視 肝肺左右 升降道里 舍氣言體
 遂荒厥旨 下焦如瀉 賴氣行水 內外絡屬 腎膀表裏 庸工懵學 聚訟斯起
 膽病嘔苦 經義焜只 培土抑木 功在相抵 胃有膽汁 信非懸揣 舍中言西
 或失則鄙 繫我中夏 代有聖神 金匱玉函 久恐淵淪 何以保之 溫故知新
 爰掬歌詞 敬告同人

祝詞四

夏紹庭

我華醫藥 肇自黃農 製方療疾 化洽天工 歐學東漸 喧賓攘主 國粹傾頹
 誰為支柱 中醫學會 乘時挺生 旁搜遠紹 激濁揚清 文未喪天 道未墜地
 古聖薪傳 於焉託寄

祝詞五

曹家達

太古有二皇 得道之柄立中央 創設醫學俾民臧 千秋萬歲稱炎黃(一解) 為火齊製湯方
 當年伊摯生空桑 大成俾集長沙長(二解) 世之殃 廢經方 診視傷寒心則茫 妄投溫熱劑
 寒涼 殺人如草何荒唐(三解) 良會設 高言陳 願如識曲聽其真 預防天札全生民 四方
 雲集來振振 九州醫學歸陶甄(四解) 表裏虛實毫芒辨 駢枝淆亂貴除翦 自今伊始歲其勉

祝詞六

湯逸民

億萬同胞

炎黃苗裔

六氣侵淫

易生疫癘

中藥中醫

國粹所繫

扁鵲倉公

世傳其藝

補瀉溫涼

多方調劑

數千年來

深根固蒂

西學灌輸

我道頹敝

暗潮激刺

橫流排擠

厥惟丁君

苦心孤詣

組織學會

深研醫理

往聖前賢

統緒克繼

以熾以昌

永言弗替

祝詞七

李承榮

維我醫學

肇自炎黃

嘗草別味

調燮陰陽

寒濕燥暑

爰生百殃

攻補吐下

甘苦溫涼

天人協應

氣化用長

靈樞素問

博奧微芒

泊乎晚近

浸怠浸荒

小道不為

鄙棄聖良

西醫代興

剖解張煌

中醫墮地

黯而不揚

今我今人

概道淪亡

乃組斯會

研究經方

保存國粹

闡發晦盲

互通聲氣

無俾獨滅

再造民生

與西醫抗

發揮光大

為吾國光

神聖醫學

綿延以長

祝詞八

葉勁秋

歧黃絕學

萬古同珍

惟能溫古

斯可推新

祝我醫會

同德同心

永永勿替

紹嗣徽音

祝詞九

劉佐彤

庸工操切已荒唐

嘉會於今建厥良

安得上池求水飲

願從莘野問湯方

陰陽調燮

祝詞

精神健 理淪經研肯綮嘗 自有靈心參妙諦 不須睨古恨青囊

●祝詞十

諸文昔

吾國醫學自歧黃以下雖代不乏人、類皆獨行無徒、倡而不和、則為道益孤、譬之昏夜無鄰、為誰告語、今者中醫學會成立、戒琴瑟之專壹、幸攻錯之有資、他日發名成發、雅未可量、勉為四言一章藉申頌禱、

我國醫學

肇自軒皇

越人而後

厥惟太倉

後漢張機

實窺奧堂

宋元而下

名存實亡

丁師憂之

興校啓芒

濟濟羣彥

研求孔滅

醫學大會

氣象輝煌

玉函金匱

起廢膏肓

碧眼小兒

無俾披猖

凡我同人

勉旃莫忘

陳耀堂

●祝詞十一

歧黃微旨

歷數千年

自漢而後

大道棄捐

百家並起

言論誕詭

名著醫林

未醇亦貴

其如淆亂

吾誰適從

歐化西學

風行亞東

國魂不振

文粹日蒙

醫會成立

發贖震聾

卓卓雜誌

材料盈豐

交換智識

氣象蓬蓬

誰為先覺

誰為先知

敬祝萬歲

為後師資

●祝詞十二

闡明醫藥溯歧黃

國粹存亡事可傷

妙論精言犀辯處

疑從紙上吐光芒

黃銘發

祝詞

祝詞十三

戴觀

渾渾宇宙 蚩蚩民生 茫茫大道 落落人羣 不有起衰 何能救弊 不有日新

何能月異 炎黃舊學 義旨恢宏 透明臟腑 洞解治功 黛羅萬象 其道渾融

越人仲聖 闡發難窮 胡我後人 淺嘗輒止 以管窺天 未通厥旨 矮者觀場

依稀而似 醫界之差 吾人之恥 猗歟盛哉 醫會宏開 俊才秀士 攜手偕來

發皇真粹 渙釋疑猜 拯彼病困 其上春臺

祝詞十四

王鞠仁

余初來醫校、與同學組討論會、半年成雜誌一期、迨暑假後復來、任事者已心灰氣散、余甚恨之、而無如何、越年、國事岌岌、激於義憤、又發起勸志會、一時風颺雲湧、氣激飛騰、一若可以持久、不逾年而消散、余亦恨之、然猶有可原者在、以學生而從事救國、其勢本不能久也、今又有醫會之發動、差幸丁師贊成於前、同志推波於後、而仲英先生、熱心任事、學劃其間、執此以測將來、當不至如曩日之無成德也、吾將以是卜中醫之興盛、兼以下吾中華民國國運之消長、私心告祝、不可無詞、

至哉炎黃 天生神聖 為之醫藥 拯濟民命 臟腑經絡 洞明如鏡 補瀉溫涼

指揮若定 煌煌大道 千載不磨 倉盧和緩 仲景華陀 承前啓後 闡發良多

祝詞

五

祝詞

等而下之 淆亂同科 張劉朱李 紛說陰陽 各衷一是 各執一長 淺學枵腹

從之若盲 猶有不學 雜亂平章 會以策羣 文以會友 同心斷金 力合則厚

現在於醫 而安孤陋 振作不聞 散沙貽醜 歐醫東漸 奪主喧賓 取而代之

其勢侵侵 物由自腐 感慨徒深 力挽狂瀾 非異人任 克振頹綱 則循揆度

舊學倡明 理茲墜緒 裔胃神明 食毛踐土 照耀光輝 毋忘乃祖

祝詞十五 何崑如

我國醫學 肇自神農 軒岐而後 仲聖為宗 技日以精 效日以宏 生死肉骨

奏厥庸功 仁心仁術 抗希追蹤 曠觀近世 災變重重 瘡痍遍地 癘疫橫攻

援拯疾苦 賴茲上工 醫會聯合 會長丁公 登高一呼 發曠振韓 凡我同志

是有適從 討論學術 揚此仁風 其功煌煌 嗟哉末世 聖學拋荒 不明靈素

祝詞十六 泰興職業學校藥科

中華醫藥 創自岐黃 救民病苦 其効煌煌 嗟哉末世 聖學拋荒 不明靈素

不解經方 卓犖君子 力挽頹綱 團結同志 以救傾亡 智識交換 學術磋商

功扶黃種 妙著青囊 心存保赤 視民如傷 振今爍古 為國之光